



REPUBLIKA E SHQIPËRISË
ENTI RREGULLATOR I ENERGJISË

VENDIM

Nr.68, Datë 26.03.2018

MBI

**FILLIMIN E PROCEDURËS PËR SHQYRTIMIN DHE MIRATIMIN E NJË
NDRYSHIMI NË “RREGULLAT PËR ALOKIMIN E KAPACITETEVE TË
INTERKONJEKSIONEVE”**

Në mbështetje të neneve 16, 65 dhe 97, pika 6, të Ligjit nr. 43/2015, “Për Sektorin e Energjisë Elektrike” dhe nenit 26 të “Rregullores së Organizimit, Funkzionimit dhe Procedurave të ERE-s”, miratuar me vendimin e bordit të ERE-s, nr. 96, datë 17.06.2016, bordi i ERE-s në mbledhjen e tij të datës 26.03.2018, mbasi shqyrtoi relacionin e Drejtorive Teknike në lidhje me shqyrtimin dhe miratimin e një ndryshimi të propozuar nga Operatori i Sistemit të Transmetimit sh.a. në “Rregulloren e alokimit të kapaciteteve të interkonjeksioneve”, miratuar me vendimin e bordit të ERE-s nr. 140, datë 22.11.2013, të ndryshuar me vendimet nr. 61, dt .07.07.2014, dhe nr. 76 datë 26.05.2017,

Konstatoi se:

- Operatori i Sistemit të Transmetimit harton rregulloren për alokimin e kapaciteteve të interkonjeksioneve, e cila miratohet nga ERE në zbatim të Ligjit nr. 43/2015, “Për Sektorin e Energjisë Elektrike”.
- ERE me vendimin me nr. 140, datë 22.11.2013, ka miratuar “Rregullat e Alokimit të Kapaciteteve të Interkonjeksioneve”.
- ERE me vendimin me nr. 61, datë 07.07.2014, ka miratuar disa ndryshime dhe shtesa në “Rregulloren e Alokimit të Kapaciteteve të Interkonjeksionit”.
- ERE me vendimin me nr. 76, datë 26.05.2017, ka vendosur Miratimin e ndryshimeve në Vendimet e Bordit të ERE nr. 140, datë 22.11.2013 dhe nr. 61, datë 07.07.2014 mbi “Rregullat për Alokimin e Kapaciteteve të Interkonjeksioneve”.
- Kjo rregullore zbatohet vetëm për kufirin e interkonjeksionit Shqipëri- Kosovë, duke qenë se në Kosovë akoma nuk mund të aplikohen “Rregullat e Harmonizuara të Alokimit të Kapaciteteve të Interkonjeksionit për Zyrën e Koordinimit të ankandëve të Kapaciteteve të Interkonjeksionit në Europën Jug – Lindore (SEE CAO)”.

ndërkohë që për dy kufinj të tjerë Shqipëri-Greqi dhe Shqipëri- Mal i Zi, ankandet e kapaciteteve të interkonjeksionit zhvillohen në SEE CAO në zbatim të “Rregullave të Harmonizuara të Alokimit të Kapaciteteve të Interkonjeksionit për Zyrën e Koordinimit të ankandëve të Kapaciteteve të Interkonjeksionit në Europën Jug – Lindore (SEE CAO)”, amenduar së fundmi dhe me vendimin e Bordit të ERE-s, nr. 154, datë 28.09.2017.

- OST sh.a me shkresën nr. 1713 Prot., datë 28.02.2018, ka dërguar në ERE propozimin për një ndryshim në “Rregullat për alokimin e kapaciteteve të interkonjeksioneve“, miratuar me vendimin nr. 140, datë 22.11.2013, i ndryshuar.
- Shoqëria “OST” sh.a. ka kërkuar ndryshimin e përcaktimit, se si pjesmarrës të ankandëve duhet të jenë vetëm subjektet tregtare të rregjistruar në Shqipëri. Sipas OST sh.a ky përcaktim nuk është në përputhje me kërkesat e tregut, por gjithashtu nuk është konform parimeve, frymës dhe përcaktimeve të Ligjit nr. 43/2015, "Për Sektorin e Energjisë Elektrike", neni 97 pika 6

Për gjithë sa më sipër, bordi i ERE-s :

Vendosi:

1. Të fillojë procedurën për shqyrtimin dhe miratimin e një ndryshimi në “Rregullat për Alokimin e Kapaciteteve të Interkonjeksioneve“, miratuar me vendimin nr. 140, datë 22.11.2013 dhe ndryshuar me vendimet nr. 61, datë 07.07.2014 dhe nr. 76, datë 26.05.2017 të bordit të ERE, si më poshtë:

- **Neni 2 paragrafi 6:**

Ishte: *“Pjesmarres i Tregut - është një entitet juridik i regjistruar në Shqipëri, i licencuar nga ERE per kryerjen e nje ose me shume aktiviteteve ne sektorin energjetik dhe qe i eshte nenshtruar te gjitha procedurave te parashikuara nga aktet ligjore e nenligjore ne fuqi per regjistrimin ne tregun e energjise elektrike. Ështe nje entitet juridik i regjistruar ne Shqiperi, i licensuar nga ERE per kryerjen e nje ose me shume aktiviteteve ne sektorin energjetik, dhe qe ka nenshkruar me OST Kontraten per perdorimin e kapacitetit nderkufitar.*

Bëhet: *“Pjesmarres i Tregut - është një entitet juridik i regjistruar në Shqipëri, i licencuar nga ERE per kryerjen e nje ose me shume aktiviteteve ne sektorin energjetik dhe qe i eshte nenshtruar te gjitha procedurave te parashikuara nga aktet ligjore e nenligjore ne fuqi per regjistrimin ne tregun e energjise elektrike. Ështe nje entitet juridik i regjistruar ne Shqiperi, i licensuar nga ERE per kryerjen e nje ose me shume aktiviteteve ne sektorin energjetik, dhe qe ka nenshkruar me OST Kontraten per perdorimin e kapacitetit nderkufitar, si dhe Tregtarët dhe furnizuesit e energjisë elektrike, të regjistruar në një shtet tjetër anëtar të Traktatit të Komunitetit të Energjisë,*

kanë të drejtë të marrin pjesë në tregun e energjisë elektrike, bazuar në parimet e reciprocitetit dhe në përputhje me legjislacionin në fuqi.

2. Drejtoria Juridike dhe e Mbrojtjes së Konsumatorit të njoftojë subjektet OST sh.a, MEI, Shoqatën AAES, Shoqatën FIAA, AREA dhe Autoritetin e Konkurrencës për vendimin e bordit të ERE-s.

Ky vendim hyn në fuqi menjëherë.

Ky vendim botohet në Fletoren Zyrtare.

Ky vendim mund të ankimohehet në Gjykatën Administrative Tiranë, brenda 30 ditëve kalendarike nga botimi në Fletoren Zyrtare.